

ხელშეკრულება
სახელმწიფო შესყიდვის შესახებ

T- 042101

ქ. თბილისი

26 აპრილი 2022 წელი

ერთი მხრივ, შპს „საქართველოს გაერთიანებული წყალმომარაგების კომპანია“ წარმოდგენილი მისი დირექტორის მოადგილის, ნინო ნაროზაშვილის სახით (შემდგომში „შემსყიდველი“)

საიდენტიფიკაციო კოდი: 412670097

მის: ქ. თბილისი, ანა პოლიტკოვსკაიას ქუჩა, N5 და N7

საბანკო რეკვიზიტები: სს „ლიბერთი ბანკი“, ცენტრალური

ფილიალიზაციის კოდი: 220101480, LBRTGE22

ანგარიშის ნომერი: GE77LB0113123325230012

ელექტრონული ფოსტა: info@water.gov.ge

და მეორე მხრივ, შპს „ქართული მილი“, წარმოდგენილი მისი დირექტორის, ბექა ჯაბუკიანის სახით (შემდგომში - მიმწოდებელი),

საიდენტიფიკაციო კოდი: 406136097

მისამართი: ქ. თბილისი, სამგორის რაიონი, ქიზიყის ქ., N 12

საბანკო რეკვიზიტები: სს „პრეკრედიტ ბანკი“

ბანკის კოდი: MIBGGE22

ანგარიშის ნომერი: GE83PC0133600100065665

ელექტრონული ფოსტა: info@geopipe.ge

ტელეფონის ნომერი: 558 00 07 23

თითოეული ცალ-ცალკე წოდებული, როგორც „მხარე“ და ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT220004480) საფუძველზე, ვდებთ ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტი

1. ხელშეკრულებით გათვალისწინებულ შესყიდვის ობიექტს წარმოადგენს პოლიეთილენისა და პოლიპროპილენის სასმელი წყლის მილებისა და პოლიეთილენის კანალიზაციის (გოფრირებული) მილების შესყიდვა (შემდგომში - საქონელი) ხელშეკრულების დანართი №1-ის შესაბამისად.

2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: CPV44163100 - მილები.

მუხლი 2. ხელშეკრულების ღირებულება

ხელშეკრულების ღირებულება შეადგენს 1 354 500.00 (ერთი მილიონ სამასორმოცდათოთხმეტი ათას ხუთასი) ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. საქონლის მიწოდების ვადა და ადგილი და პირობები

1. მიმწოდებელი ვალდებულია, ხელშეკრულების პირველი მუხლით გათვალისწინებული საქონლის მიწოდება უზრუნველყოს - ხელშეკრულების გაფორმებიდან არაუგვიანეს 30 (ოცდაათი) კალენდარული დღის ვადაში.
2. საქონლის მიწოდება უნდა განხორციელდეს მიმწოდებლის ხარჯით შემდეგ მისამართზე: ქ. გორი, ცხინვალის გზატკეცილი მე-3 კილომეტრი, შპს „საქართველოს გაერთიანებული წყალმომარაგების კომპანიის“ ცენტრალური საწყობი.
3. მიმწოდებელი ვალდებულია შესყიდვის ობიექტის მიწოდებისას წარმოადგინოს მიწოდებული საქონლის ლაბორატორიული გამოცდის შედეგები.
4. მიმწოდებელმა საქონლის მიწოდებისას უნდა წარმოადგინოს სასაქონლო ზედნადები.
5. ინსპექტირების განხორციელებამდე, შემსყიდველსა და მიმწოდებელს შორის ფორმდება მიწოდებული საქონლის დროებითი შენახვის აქტი.
6. მიმწოდებელი ვალდებულია გადასცეს შემსყიდველს ახალი, ექსპლუატაციაში არ მყოფი, უფლებრივად და ნივთობრივად უნაკლო, მაღალი ხარისხის საქონელი.

მუხლი 4. ანგარიშსწორების წესი

1. ხელშეკრულების მე-2 მუხლში განსაზღვრული ხელშეკრულების ღირებულება მოცემულია საქონლის მიწოდებასთან დაკავშირებული მიმწოდებლის ყველა სახის ხარჯისა და საქართველოს კანონმდებლობით გათვალისწინებული გადასახადების ჩათვლით.
2. ხელშეკრულების ფარგლებში, ანგარიშსწორება ხორციელდება უნაღდო ანგარიშსწორების ფორმით, საქართველოს ეროვნულ ვალუტაში, ფაქტობრივად მიწოდებული საქონლის შესაბამისად გაფორმებული მიღება-ჩაბარების აქტის საფუძველზე, ხელშეკრულებით გათვალისწინებულ რეკვიზიტებზე.
3. შემსყიდველი ანგარიშსწორებას ახორციელებს მხარეთა შორის გაფორმებული მიღება-ჩაბარების აქტის გაფორმების, სასაქონლო ზედნადების, დადებითი ინსპექტირების აქტისა (არსებობის შემთხვევაში) და საგადასახადო ანგარიშ-ფაქტურის წარმოდგენიდან (თუ მიმწოდებელი რეგისტრირებულია დღგ-ის გადამხდელად) არაუგვიანეს 10 (ათი) სამუშაო დღის განმავლობაში.
4. ხელშეკრულების ფარგლებში ანგარიშსწორება ხორციელდება ეროვნულ ვალუტაში, ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.
5. წინასწარი ანგარიშსწორება არ გამოიყენება.
6. დაფინანსების წყარო: შპს „საქართველოს გაერთიანებული წყალმომარაგების კომპანიის“ 2022 წლის საკუთარი სახსრები.

მუხლი 5. საქონლის მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.
2. საქონლის მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველის შესაბამისი სტრუქტურული ერთეული - **სასაწყობე მეურნეობის სამსახურის უფლებამოსილი წარმომადგენელი/წარმომადგენლები.**

მუხლი 6. საქონლის შესაბამისობა

1. საქონელი უნდა შეესაბამებოდეს მსგავსი საქონლისთვის დადგენილ სტანდარტებს და შემსყიდველის მოთხოვნებს.
2. ამ მუხლის პირველ პუნქტში აღნიშნული მოთხოვნებიდან მიმწოდებლის მიერ ნებისმიერი გადახვევის შემთხვევაში შემსყიდველი უფლებამოსილია, არ მიიღოს საქონელი ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 7. მხარეთა უფლება-მოვალეობანი

1. მიმწოდებელი ვალდებულია:

ა) ხელშეკრულებით ნაკისრი ვალდებულებების შესრულება განახორციელოს ხელშეკრულებით გათვალისწინებული პირობების შესაბამისად;

ბ) უზრუნველყოს ხელშეკრულებით გათვალისწინებული უფლებრივად და ნივთობრივად უნაკლო საქონლის მიწოდება.

გ) საქონლის მიწოდების პროცესში იხელმძღვანელოს ხელშეკრულების მე-6 მუხლის პირველ პუნქტში გათვალისწინებული მოთხოვნებით;

დ) უზრუნველყოს საქონლის მიწოდება ხელშეკრულების მე-3 მუხლის პირველი პუნქტით გათვალისწინებულ ვადებში;

ე) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

ვ) **უზრუნველყოს საქონელზე გარანტიის გავრცელება შესაბამისი მიღება-ჩაბარების აქტის გაფორმების დღიდან, 1 (ერთი) წლის განმავლობაში.**

ზ) ექსპლუატაციისას, გამოვლინდება დეფექტი ან/და ნაკლი, ან/და ხარვეზი, მიმწოდებელი ვალდებულია, შემსყიდველის შეტყობინების მიღებიდან არაუმეტეს 20 (ოცი) კალენდარული დღის ვადაში, უზრუნველყოს დეფექტის ან/და ხარვეზის ან/და ნაკლის ან/და წუნის აღმოფხვრა საკუთარი ხარჯით, ან/და განახორციელოს შემსყიდველთან შეთანხმებულ გონივრულ ვადაში (მაგრამ არაუგვიანეს 30 კალენდარული დღისა), საქონლის ჩანაცვლება ახალი, ექსპლუატაციაში არ მყოფი, ანალოგიური პარამეტრების მქონე საქონლით, შემსყიდველის მხრიდან რაიმე დამატებითი დანახარჯის გაწევის გარეშე, გარდა იმ შემთხვევისა, თუ ასეთი ხარვეზი გამოწვეულია მექანიკური დაზიანებით.

თ) მოახდინოს შემსყიდველის ინფორმირება ხელშეკრულებით განსაზღვრული ვალდებულებ(ებ)ის შესრულებისას ყველა განსაკუთრებული გარემოების შესახებ;

ი) 5 (ხუთი) სამუშაო დღის ვადაში, უზრუნველყოს ინსპექტირების შედეგად გამოვლენილი ხარვეზიანი საქონლის შემსყიდველის საწყობიდან გატანა.

კ) უზრუნველყოს საქართველოს კანონმდებლობით განსაზღვრული სხვა ვალდებულებების შესრულება.

2. შემსყიდველი ვალდებულია:

ა) საქონლის მიწოდების დროს, მიმწოდებელთან გააფორმოს დროებითი შენახვის აქტი.

ბ) შესყიდვის ობიექტის მიწოდებიდან 5 (ხუთი) სამუშაო დღის ვადაში, უზრუნველყოს საქონლის ხარისხისა და სხვა პირობების წინამდებარე ხელშეკრულების პირობებთან შესაბამისობის ინსპექტირება;

გ) შეუფერხებლად აუნაზღაუროს მიმწოდებელს მიწოდებული საქონლის ღირებულება ხელშეკრულებით გათვალისწინებული ვადების და პირობების შესაბამისად.

3. შემსყიდველი უფლებამოსილია მიმწოდებელს მოთხოვოს წინამდებარე ხელშეკრულების ჯეროვანი, დროული და კეთილსინდისიერი შესრულება.

მუხლი 8. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე

მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორისარსებობის დამადასტურებელი დოკუმენტი და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 9. ხელშეკრულების პირობების შეუსრულებლობა, არასრული ან/და არაჯეროვანი შესრულება

1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0,02%-ის ოდენობით;

2. ხელშეკრულებით ნაკისრი ვალდებულებების შეუსრულებლობის, არასრული ან/და არაჯეროვანი შესრულების შემთხვევაში, მიმწოდებელი ჯარიმდება ხელშეკრულების ჯამური ღირებულების 5 (ხუთი) პროცენტის ოდენობით.

3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ამავე მუხლის მე-2 პუნქტით განსაზღვრული პირგასამტეხლოს ანაზღაურება.

4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

5. ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში, თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს საჯარიმო თანხებსა და საქონლის ღირებულებას შორის არსებული სხვაობა შემსყიდველის სასარგებლოდ.

მუხლი 10. კონტროლი (ინსპექტირება)

1. ხელშეკრულებით განსაზღვრული ვალდებულებების შესრულების კონტროლი (ინსპექტირება) შემსყიდველის მიერ განხორციელდება ხელშეკრულების მოქმედების პერიოდში, ნებისმიერ დროს, შემსყიდველის მოთხოვნათა შესაბამისად.

2. ხელშეკრულებით გათვალისწინებული ვალდებულებ(ებ)ის შესრულების ინსპექტირებას ახდენს შემსყიდველის შესაბამისი სტრუქტურული ერთეული - **ოპერირებისა და ექსპლუატაციის დეპარტამენტის უფლებამოსილი წარმომადგენელი/წარმომადგენლები.**

3. ამ მუხლის მეორე პუნქტით გათვალისწინებული პირ(ებ)ის ფუნქციას მისაწოდებელი/მიწოდებული საქონლის რაოდენობის/მოცულობის, საგარანტიო ვადების/პირობების, ხარისხისა და შესრულების ვადების ხელშეკრულების მოთხოვნებთან შესაბამისობის დადგენა.

4. კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად გამოვლენილი ყველა ხარვეზის აღმოფხვრა უნდა განხორციელდეს გონივრულ ვადაში, მაგრამ არაუგვიანეს 10 კალენდარული დღისა.

მუხლი 11. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის წერილობითი შეთანხმების გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადადგ, ცალმხრივად შეწყვიტოს ეს ხელშეკრულება, თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუნარიობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 1%-ს;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) საქართველოს კანონმდებლობით გათვალისწინებულ სხვა შემთხვევებში.

მუხლი 12. ხელშეკრულების შესრულების უზრუნველყოფის საბანკო გარანტია

1. ხელშეკრულების შესრულების უზრუნველყოფის მიზნით მიმწოდებლის მიერ შემსყიდველისთვის წარდგენილი, საქართველოს კანონმდებლობის შესაბამისად ლიცენზირებული დაწესებულების მიერ გაცემული ხელშეკრულების შესრულების უზრუნველყოფის საბანკო გარანტიის თანხა შეადგენს ხელშეკრულების ღირებულების 5 %-ს.

2. საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას მიმწოდებლის წერილობითი მოთხოვნის შემთხვევაში შემსყიდველი ვალდებულია უზრუნველყოს გარანტიის დაბრუნება.

13. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე. ამ პუნქტის შესაბამისად გაფორმებული წერილობითი შეთანხმება მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. იმ შემთხვევაში, თუ ხელშეკრულებით განსაზღვრული მომსახურების გაწევის დროს ხელშეკრულების ღირებულებისა და ანგარიშსწორებიდან გამომდინარე ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის, ფასების გადასინჯვის აუცილებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ცვლილებ(ებ)ის ან/და დამატებ(ებ)ის შეტანის ინიციატორი მხარე ვალდებულია, წერილობით შეატყობინოს მეორე მხარეს შესაბამისი დასაბუთებული ინფორმაცია.

3. ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულება რეგულირდება საქართველოს კანონმდებლობის შესაბამისად.

6. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა

მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

7. ხელშეკრულება შედგენილია ქართულ ენაზე, მხარეთა მიერ ხელმოწერილია ელექტრონულად, ან/და მატერიალურად.

8. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

9. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

10. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

11. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

12. ფასების ცხრილი თან ერთვის ხელშეკრულებას და წარმოადგენს მის განუყოფელ ნაწილს.

მუხლი 14. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2022 წლის 08 ივლისის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

15. მხარეთა ხელმოწერები:

შემსყიდველი:

შპს „საქართველოს გაერთიანებული
წყალმომარაგების კომპანია“



ნინო ნაროხაშვილი
დირექტორის მოადგილე

მიმწოდებელი:

შპს „ქართული მილი“

ბექა კაბუკიანი
დირექტორი

ფასების ცხრილი

N	დასახელება	ტექნიკური მახასიათებლები	განზომილების ერთეული	რაოდენობა	ერთული ღირებულება (ლარი)	საერთო ღირებულება (ლარი)	წარმოშობის ქვეყანა/ მწარმოებელი კომპანია	საგარანტო ვადა
	SDR11-PN16 PE 100 რულონი							
1	მილი პოლიეთილენის სასმელი წყლის დ=20 მმ	SDR11-PN16 PE 100 რულონი	მეტრი	30000	0,81	24300,00	საქართველო/ ქართული მილი	მიღება-ჩაბარების აქტის გაფორმების დღიდან 1 (ერთი) წლის ივანეავლობაზე
2	მილი პოლიეთილენის სასმელი წყლის დ=25 მმ	SDR11-PN16 PE 100 რულონი	მეტრი	20000	1,23	24600,00	საქართველო/ ქართული მილი	
3	მილი პოლიეთილენის სასმელი წყლის დ=32 მმ	SDR11-PN16 PE 100 რულონი	მეტრი	12000	1,99	23880,00	საქართველო/ ქართული მილი	
4	მილი პოლიეთილენის სასმელი წყლის დ=40 მმ	SDR11-PN16 PE 100 რულონი	მეტრი	10000	3,1	31000,00	საქართველო/ ქართული მილი	
5	მილი პოლიეთილენის სასმელი წყლის დ=50 მმ	SDR11-PN16 PE 100 რულონი	მეტრი	12000	4,8	57600,00	საქართველო/ ქართული მილი	
6	მილი პოლიეთილენის სასმელი წყლის დ=63 მმ	SDR11-PN16 PE 100 რულონი	მეტრი	10000	7,67	76700,00	საქართველო/ ქართული მილი	
7	მილი პოლიეთილენის სასმელი წყლის დ=75 მმ	SDR11-PN16 PE 100 რულონი	მეტრი	5000	10,58	52900,00	საქართველო/ ქართული მილი	
	SDR11-PN16 PE 100, L=120							
8	მილი პოლიეთილენის სასმელი წყლის დ=90 მმ	SDR11-PN16 PE 100, L=120	მეტრი	8004	15,21	121740,84	საქართველო/ ქართული მილი	
9	მილი პოლიეთილენის სასმელი წყლის დ=110 მმ	SDR11-PN16 PE 100, L=120	მეტრი	10008	22,61	226280,88	საქართველო/ ქართული მილი	
10	მილი პოლიეთილენის სასმელი წყლის დ=125 მმ	SDR11-PN16 PE 100, L=120	მეტრი	102	29,38	2996,76	საქართველო/ ქართული მილი	
11	მილი პოლიეთილენის სასმელი წყლის დ=140 მმ	SDR11-PN16 PE 100, L=120	მეტრი	102	36,58	3731,16	საქართველო/ ქართული მილი	
12	მილი პოლიეთილენის სასმელი წყლის დ=160 მმ	SDR11-PN16 PE 100, L=120	მეტრი	7008	48,02	336524,16	საქართველო/ ქართული მილი	
13	მილი პოლიეთილენის სასმელი წყლის დ=200მმ	SDR11-PN16 PE 100, L=120	მეტრი	504	74,88	37739,52	საქართველო/ ქართული მილი	
14	მილი პოლიეთილენის სასმელი წყლის დ=280მმ	SDR11-PN16 PE 100, L=120	მეტრი	204	146,16	29816,64	საქართველო/ ქართული მილი	
15	მილი პოლიეთილენის სასმელი წყლის დ=355 მმ	SDR11-PN16 PE 100, L=120	მეტრი	204	234	47736,00	საქართველო/ ქართული მილი	

	პოლიპროპილენის მილები							იხილეთ დანართი 1 (საიტი) www.gec.gov.ge და www.gec.gov.ge საიტზე
16	მილი პოლიპროპილენის სასმელი წყლის დ=20 მმ	PN20.	მეტრი	3000	1,7	5100,00	თურქეთი/ UZUNOGLU PLASTIK	
17	მილი პოლიპროპილენის სასმელი წყლის დ=25 მმ	PN20.	მეტრი	3000	2,6	7800,00	თურქეთი/ UZUNOGLU PLASTIK	
18	მილი პოლიპროპილენის სასმელი წყლის დ=50 მმ	PN20.	მეტრი	1000	10,6	10600,00	თურქეთი/ UZUNOGLU PLASTIK	
19	მილი პოლიპროპილენის სასმელი წყლის დ=63 მმ	PN20.	მეტრი	500	16,76	8380,00	თურქეთი/ UZUNOGLU PLASTIK	
	გოფირებული მილები							
20	მილი პოლიეთილენის კანალიზაციის გოფირებული დ=100 მმ	SN8 შესაბამისი მილყელით და რეზინის შუასადებით	მეტრი	15000	4,15	62250,00	საქართველო/ ქართული მილი	
21	მილი პოლიეთილენის კანალიზაციის გოფირებული დ=150 მმ	SN8 შესაბამისი მილყელით და რეზინის შუასადებით	მეტრი	7008	7,9	55363,20	საქართველო/ ქართული მილი	
22	მილი პოლიეთილენის კანალიზაციის გოფირებული დ=200 მმ	SN8 შესაბამისი მილყელით და რეზინის შუასადებით	მეტრი	3000	12,96	38880,00	საქართველო/ ქართული მილი	
23	მილი პოლიეთილენის კანალიზაციის გოფირებული დ=250 მმ	SN8 შესაბამისი მილყელით და რეზინის შუასადებით	მეტრი	1500	22,3	33450,00	საქართველო/ ქართული მილი	
24	მილი პოლიეთილენის კანალიზაციის გოფირებული დ=400 მმ	SN8 შესაბამისი მილყელით და რეზინის შუასადებით	მეტრი	204	44,45	9067,80	საქართველო/ ქართული მილი	
25	მილი პოლიეთილენის კანალიზაციის გოფირებული დ=500 მმ	SN8 შესაბამისი მილყელით და რეზინის შუასადებით	მეტრი	204	62,96	12843,84	საქართველო/ ქართული მილი	
26	მილი პოლიეთილენის კანალიზაციის გოფირებული დ=600 მმ	SN8 შესაბამისი მილყელით და რეზინის შუასადებით	მეტრი	102	129,6	13219,20	საქართველო/ ქართული მილი	
სულ ჯამი დღგ-ს გათვალისწინებით						1 354 500,00		

Beka
Tchabukiani
01005019722



პროკრედიტ ბანკი
ProCredit Bank

Georgia
საქართველო

ProCredit Bank, 21 Al. Kazbegi Ave., 0160 Tbilisi, Georgia
პროკრედიტ ბანკი, ალ. ყაზბეგის გამზ. 21, 0160 თბილისი

ბენეფიციარი:

შპს საქართველოს გაერთიანებული წყალმომარაგების
კომპანია,

(ს/კ 202294980)

ვაჟა-ფშაველას გამზ. №76ბ, თბილისი, საქართველო

სათაო ოფისი

ბიზნეს კლიენტების განყოფილება

აგტორი : ქეთევან ჯალაღანია

ტელეფონი : +995 32 2202222 (შიდა 1291)

ფაქსი : +995 32 2202223

ელ-ფოსტა : ketevan.jalagania@procredit-group.com

თარიღი : 20.04.2022

ხელშეკრულების შესრულების უპირობო/გამოუთხოვადი საგარანტიო უზრუნველყოფის საბანკო გარანტია
№ 2111088

მხედველობაში ვიღებთ რა, რომ შპს „ქართული მილი“-ს (საიდენტიფიკაციო კოდი: 406136097) შემდგომში „მიმწოდებელმა“ NAT220004480 ტენდერში წარდგენილი თავისი (ტენდერის დასახელება: პოლიეთილენის სასმელი წყლის მილბისა და პოლიეთილენის კანალიზაციის (გოფრირებული) მილების შესყიდვა) სატენდერო წინადადების შესაბამისად იკისრა ვალდებულება წარმოადგინოს უპირობო/გამოუთხოვადი გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ, გავცეთ მიმწოდებლის სახელზე ზემოაღნიშნული გარანტია.

ამასთან დაკავშირებით, ჩვენ, სს „პროკრედიტ ბანკი“, (სათაო ოფისი, ალ. ყაზბეგის გამზ. №21, 0160 თბილისი, საქართველო) უპირობოდ და გამოუთხოვადად ვადასტურებთ, რომ ვართ გარანტები და პასუხისმგებელნი თქვენ წინაშე მიმწოდებლის სახელით საერთო თანხაზე:

67,725.00 (სამოცდაშვიდი ათას შვიდასოცდახუთი) ლარი

და ვცისრულობთ ზემოაღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე საბანკო გარანტია ძალაშია 2022 წლის 12 აგვისტოს ჩათვლით.

მოთხოვნა ანაზღაურებაზე ბენეფიციარის მიერ წარმოდგენილი უნდა იქნეს სათანადო ხელმოწერით დადასტურებული წერილობითი ფორმით, სადაც მითითებული იქნება მოთხოვნილი თანხა და ის გარემოება, რომლის გამოც მოხდება მოთხოვნის წარდგენა.

ნებიერმიერი მოთხოვნა ან პრეტენზია გარანტის მიერ მიღებულ უნდა იქნეს გარანტიის ვადის გასვლამდე შემდეგ მისამართზე: სს „პროკრედიტ ბანკი“, სათაო ოფისი, ალ. ყაზბეგის გამზ. 21, 0160 თბილისი, საქართველო.

საბანკო გარანტია წყდება:

1. საბანკო გარანტიის ვადის გასვლით;
2. ბენეფიციარის მიერ თავის უფლებებზე წერილობითი უარის თქმის შემთხვევაში;

პატივისცემით,

სს „პროკრედიტ ბანკი“, საქართველო

ეთერ ნებიერიძე

საკრედიტო რისკების
სპეციალისტი

ტარიელ ხუნდაძე

საკრედიტო რისკების
სპეციალისტი

ქეთევან ჯალაღანია

დოკუმენტური ბიზნესის
კოორდინატორი

2111088

Part of the
ProCredit Group

21 Al. Kazbegi Ave.
0160 Tbilisi, Georgia
ალ. ყაზბეგის გამზ. 21
0160 თბილისი, საქართველო

Tel. / ტელ: +995 (0) 32 2202222
Fax / ფაქსი: +995 (0) 32 2202223
info@procreditbank.ge
www.procreditbank.ge

JSC ProCredit Bank / ს.ს. პროკრედიტ ბანკი
SWIFT / BIC : MIBGGE22
Tax-Reg.-No / საიდენტიფიკაციო კოდი:
204851197



პროკრედიტ ბანკი
ProCredit Bank

Georgia

26.04.2022

ProCredit Bank, 21 Al. Kazbegi Ave., 0160 Tbilisi, Georgia
პროკრედიტ ბანკი, ალ. ყაზბეგის გამზ. 21, 0160 თბილისი

ბენეფიციარი:

შპს საქართველოს გაერთიანებული წყალმომარაგების კომპანია,

(ს/კ 202294980)

ვაჟა-ფშაველას გამზ. №76ბ, თბილისი, საქართველო

სათავო ოფისი

ბიზნეს კლიენტების განყოფილება

ავტორი : ქეთევან ჯალაღანია

ტელეფონი : +995 32 2202222 (შიდა 1291)

ფაქსი : +995 32 2202223

ელ-ფოსტა : ketevan.jalagania@procredit-group.com

თარიღი : 26.04.2022

ხელშეკრულების შესრულების უპირობო/გამოუთხოვადი საგარანტიო უზრუნველყოფის საბანკო გარანტია № 2111088 - ტექსტის ცვლილება

გაცნობებთ, რომ **2022 წლის 20 აპრილს** ჩვენს მიერ წარმოდგენილ საბანკო გარანტიაში N. **2111088**, , თანხით **67,725.00 ლარი**, მოქმედების ვადით **2022 წლის 12 აგვისტოს** ჩათვლით, პრინციპალის შპს „ქართული მილი“-ს (საიდენტიფიკაციო კოდი: 406136097) დავალებით დაემატა შემდეგი ჩანაწერი:

*ჩვენ, სს „პროკრედიტ ბანკი“, (სათავო ოფისი, ალ. ყაზბეგის გამზ. №21, 0160 თბილისი, საქართველო) ვადასტურებთ, რომ ვართ გარანტები და პასუხისმგებელნი თქვენ წინაშე პრინციპალის სახელით საერთო თანხაზე: **67,725.00 ლარი** (სამოცდაშვიდი ათას შვიდასოცდახუთი ლარი)*

და უპირობოდ (რაც გულისხმობს, რომ საგარანტიო თანხის ანაზღაურების შესახებ „ბენეფიციარის“ წერილობით მოთხოვნაში მითითებული უნდა იყოს თუ რაში გამოიხატება „პრინციპალის“ მიერ ვალდებულების დარღვევა, მოთხოვნისა ან/და მოთხოვნილი თანხის ყოველგვარი დასაბუთების და ყველანაირი დოკუმენტაციის წარდგენის ვალდებულების გარეშე) ვკისრულობთ ზემოაღნიშნული თანხის გადახდას თქვენი, პირველივე მოთხოვნისთანავე (არაუგვიანეს 5 საბანკო დღისა), პრინციპალის მიერ ხელშეკრულების პირობების დარღვევის მითითების საფუძველზე, თქვენი მხრიდან მოთხოვნისა და მოთხოვნილი თანხის დასაბუთების საჭიროების გარეშე.

აღნიშნული გარანტიის ყველა დანარჩენი პირობა რჩება უცვლელი.

პატივისცემით,
სს „პროკრედიტ ბანკი“, საქართველო

მამუკა ღვალაძე

საკრედიტო რისკების
სპეციალისტი

ზურაბ ფირაშვილი

საკრედიტო რისკების
სპეციალისტი

ქეთევან ჯალაღანია

დოკუმენტური ბიზნესის
კოორდინატორი

2111257

Part of the
ProCredit Group

21 Al. Kazbegi Ave.
0160 Tbilisi, Georgia
ალ. ყაზბეგის გამზ. 21
0160 თბილისი, საქართველო

Tel. / ტელ: +995 (0) 32 2202222
Fax / ფაქსი: +995 (0) 32 2202223
info@procreditbank.ge
www.procreditbank.ge

JSC ProCredit Bank / ს.ს. პროკრედიტ ბანკი
SWIFT / BIC : MIBGGE22
Tax-Reg.-No / საიდენტიფიკაციო კოდი:
204851197